

From
Synod Literature & Publication Board
Synod Office
Aizawl – 796 001
Mizoram

Synod

e-mail : synodnews@gmail.com

Vol. XXXIX No. 10 A man ₹1/-

NEWSLETTER

OCTOBER 2024

LÂWRKHAWM

PISA KAI HUN

Synod Office kai hun chu September ni 1, 2024–February ni 28, 2025 chhûng zîng dâr 9:30 aţanga tlai dâr 4 a ni ang.

BEHRUAL HMANNG ZO

Kumin, Beihrial kum 106-na chu Pathian hruainain tuang takin kan lo hmanng zo leh ta. Beihrial hi kum 1918 June thla aţanga hman ţan a ni a, kum 1925 aţangin September thlaah hman a ni a, kum 1947 aţangin Nilai Thupui Bu leh Beihrial Thupui hi bu khatah siam ţan a ni.

MIZO ŢAWNG ZIR HO

Ni 17.8.2024 khân Kâwnpui Pastor Bialah Literature Seminar hmanpuiin Synod Literature & Publication Board (SL&PB) aţangin Rev. Lalbiaknia, Editor; Pu Zohmangaiha, Asst. Editor leh Pu Eric Lalnunmawia, O.A. te an kal a. Ni 31.8.2024 khân Luangmual Kohhranah Mizo Ţawng hman dik chungchâng zir hona hmanpuiin Assistant Editor-te – Pi Rinsailovi leh Pu Zohmangaiha-te an kal bawk.

SUNDAY SCHOOL ZIRTIRTU TRAINING

Hetiang hian Sunday School zirtirtu training pein trainer-te an chhuak: Ni 17.8.2024 khân *Saipûm Bialah* Upa K. Vânlalngâka leh Upa Lalchuilova. Ni 24.8.2024 khân *Tlângnuam West Kohhranah* Pu Lalhmunzauva Tlau, Asst. Coordinator leh Upa Lalthanchhûnga leh Upa H. Lalngînglova.

SYNOD PUIPATEN CHIEF MINISTER AN HMU

Ni 12.8.2024 khân Synod Puipaten Mizoram Chief Minister Pu Lalduhoma chu a pisaah an hmu a, inkawm hona hun ţha tak an hmanng.

Synod Puipate hian corruption a rêm theih nân Lok Ayukta thuan chak te, loh theih loh vah chauh Restricted Tender kalpui te, Project Cost en nawn ũhin tihbo te, contract hralh chhâwn leh ũhin tihbo te ţha an tih thu CM hnênah hian an thlen a. CM hian Synod Puipate hi ţha taka lo dawng-sawngin, rawtna an thlente chu sawr-kârin a kalpui mêk leh tihhlawhtlin a tum mêk a nih thu a lo hrilh a ni.

Kum 2022 Synod Inkhâwmpuiah khân Presbytery pariat aţangin corruption do chungchâng thu a lût a. Synod chuan, “Kohhranin hlemhlêtna (Corruption) do kawngah nasa zâwkin hma lâk ţha kan ti a, SEC-in lo bawhzui rawh se,” tiin a rêl a. SEC hian Synod Social Front kutah a dah a, Social Front chuan Awareness Campaign te huaihawtin kaihhraina Booklet a siam bawk a. He thu kal

zêlah hian chak zâwka hma lâk a nih theih nân sawrkâra thlen tûr âwm chite chu Chief Minister hnênah hian Synod Puipate hian an thlen ta a ni.

Mizoram Chief Minister nêna inkawmnaah hian Synod Puipate aţangin Rev. P.B. Mankima, Synod Secretary (Sr); Upa Vânlalsâwma Siakêng, Synod Secretary (Jr); Rev. V.L. Luaia Hranleh, Finance Officer; Rev. P.C. Pachhûnga, Finance Officer leh Rev. C. Zoramawia, Senior Executive Secretary-te an tel.



PRAISE ON 2024 MAL ZAI INTIHSIAK ŢAN A NI

Synfo leh Central KŢP ũang kawpin an buatsaih ‘Praise On 2024 Mal Zai Intihsiaik’ chu ni 3.9.2024 zân dâr 8:30 khân Upper Republic Kohhran Hall-ah Rev. R. Vânlalngâka, Synod Moderator-in ũawngţaiin Pathian hnênah a hlân.

Hlanna inkhâwm hi host, Ni. C. Lalawmpuiin a kaihruai a; Rev. Dr Rosiamliana Tochwang, Central KŢP Leader-in hunserh a hmanng a; Tual Upa T.C. Lalremsiama, Organizing Secretary-in inhmehriattîrna hun hmanngin report a pe a; Organizing Chairman Pu John Lalhruaitluangan lâwm thu a sawi a; Mizoram Synod Choir an zai bawk.

September ni 5&6 khân audition hmasa ber Champhai Vênglai Kohhranah buatsaih a ni a; ni 10-ah New Sêrchhip Kohhranah, ni 14-ah Kolasib Hmâr Vêng Kohhranah leh ni 21-ah Lunglei Bazar Vêng Kohhranah. Aizawl Audition hi September 25–28 khân Tuikual Kohhranah buatsaih a ni bawk. Tûn ũum intihsiaakah hian mi 343-in hming an pe a ni.

SYNOD Newsletter

EDITORIAL STAFF

Rev. Lalbiaknia
(9862362913)

Rev. V.L. Luaia Hranleh
Upa K. Lalnginglova
Zohmingliana Colney
(9615231750)

SYNOD CHHAWMDAWLNA

Tùn hnaia harsatna hrang hrang tawkte hnênah Synod Relief Fund ațangin hetiang hian chhawmdawlina pawisa pêk a ni:

Khua	Pêk chhan	Chhôngkaw zât	Pêk zât	Khua	Pêk chhan	Chhôngkaw zât	Pêk zât
Ratu	In kâng	1	20,000	Selâm	Khawsak harsa		
Rângvamual	Damlo	2	20,000		leh damlo	4	40,000
Khuanglêng	Lei min tuar	1	10,000	Ramhlun North	Damlo	3	30,000
Salem Vêng	Damlo	1	10,000	Tuikual North	Damlo	1	10,000
Tuikual South	Khawsak harsa	1	10,000	Sihphîr Vêngthar	Lei min tuar	1	8,000
Saichal	Damlo	1	10,000	Bûngtlâng Bazar	Lungrem chim		
Sihphîr	Damlo	1	10,000	Kohhran	siam that nân		50,000
Saihapi V	Khawsak harsa	1	10,000	Khâm-râng	In chhia	2	20,000
Luangpâwn	Kohhran lungrem chim			Mêlthum	Damlo	2	20,000
	siam that nân		50,000	Zohmun	In chhia	1	15,000
Electric Vêng	Damlo	1	10,000	Kaisanary	In chhia	1	10,000
Aizâwl Vênglai	Damlo	1	10,000	Tuirial	Lei min tuar	1	10,000
Electric Vêngthlang	Damlo	1	10,000	Vaitin	Damlo	1	10,000
Thaidawr	Damlo	1	10,000	Dâwрпи Vêngthar	Lei min tuar	1	8,000
Champhai				Vâwngâwnzo	In chhia	4	40,000
Hospital Vêng	Damlo	1	10,000	Electric Vêngthlang	Damlo leh		
Champhai					lei min tuar	5	30,000
Ramthar Vêng	Damlo	1	10,000	Khuanglêng	Damlo	1	10,000
Sâm-tlâng	Damlo	1	10,000	Sesih	Damlo	1	10,000
North Lunglêng	Damlo	1	10,000	Sêrchhîp Vêngchung	Damlo	1	10,000
Sihphîr Vêngthar	Lei min tuar	1	10,000	Suarhliap	Damlo	1	10,000
Hualngohmun	Damlo	1	10,000	Thênzâwl Dinthar	Damlo	1	10,000
N.E. Khawdungsei	Khawsak harsa	1	10,000	Thingsai	Damlo	1	10,000

Editorial.....

A CHHAN HRIAT CHIAN

Tûnlai khawvêlah chuan social media-in ro a rêl a ni ber tawh a, thu chhia thu tha a lêng nasa hle mai. Hmun kilkhâwr tak taka thil thleng pawh thuthmun ațangin kan hmuin kan chhiar ngêl zung zung thei tawh a. Mi tin mai hi reporter kan ni, tih mai tûrin thu post leh mi thu post thawn chhâwn hi kan tuihâlna tak pawh a ni, a tih theih âwm e. Kohhran leh rawngbâwltute chanchin te, khawtlâng leh tlâwmngai pâwl hma lâkna te, thil thleng hrang hrang te hi, a chhan hre Chiang lova dîm lo taka puangzâr thîn an tam ta hle.

Kohhran thil emaw, khawtlâng leh ram emaw, tlâwmngai pâwl thil tih leh hma lâkna emaw pawh ni se, a chhan hriat chian hmasak hi kan tih mâk-mawh a ni. Thu bulbâl hre Chiang hmasa lova mi dang demna leh sawichhiatna thu sawi leh post zung zung hi kohhran mite chuan kan tih loh a tha khawp mai. Kohhran pum huapa kan hma lâkna te pawh hi inkhâwmpui rorêlna emaw, committee rorêlna thu bawhuina emaw a ni thîn. Thil then-khat chu Inkhâwmpui emaw, committee rorelna emawa rêl fel phawt a tûl thîn bawk. Chumi hmaa 'an chuti lo' 'an ngaihsak lo' tia demna thu lo chhâk chhuah mai hi a awl viau. A chhan hre Chiang tûrin kohhran hma lâknate hi i ngaihaven thîn ang u.

FINANCE COMMITTEE A ȚHU

Ni 4.9.2024 chawhma dâr 10 khân J.M. Lloyd Hall, Synod Office-ah Synod Finance Committee vawi 150-na a Țhu a; Rev. R. Vânlalnghâka, Synod Moderator-in a kaihrui a. Rev. V.L. Luaia Hranleh, Finance Officer-in report a pe.

Report-ah hian kum 2023-2024 tangka kum chhônga Pathian ram thawhlâwma hma kan sâwn avânga lâwm thu sawina leh thahnem ngai zêl tûra ngenna, Bial leh kohhran tinah thawn chhuah a nih thu te, kum 2023-2024 chhônga Synod sum audit zawh a nih tawh thu te, Synod Office accounting software thar Tally Prime 4.0 hman Țan a nih thu te, meeting inkârah Finance Campaign leh Accounts Training hmun ngaah neih a nih thu te târ lan a ni a.

Thu ngaihtuah zîngah Silchar Mission Compound-a Zairema Hall sak mêk sum dîl belh thu te, Synod sum internal audit kal phung en that chungchônga rawtna te, Mizoram Presbyterian Kohhran hnuai department leh mission field-te tâna bank account hawn zir chianna thu te a tel.

CAMPUS MINISTRY

♦ Govt Chanmari West HS-ah

Ni 16.8.2024 chawhnu khân Govt. Chanmari West High School-ah Counsellor leh Resource Person Upa Lalnunsiam Khâlthang, Chhônga Vêngte an kal a. Pathian thu bâkah, zirlaiten nun duhawm zâwk an neih theihna tûra fuihna thu an sawi.

♦ PES, Sihphîr Vênglaih

Ni 6.9.2024 khân Presbyterian English School, Sihphîr Vênglaih Tv. Lalrin-chhana, Counsellor bâkah Resource Person – Tual Upa K. Lalêngzâma leh Pu C. John Saipârliana, Ramhlun North-te an kal. PES, Sihphîr Vênglaih hian zirtirtu leh zirlai 270 vêl an awm a, Class 1-10 thleng zirna a awm.

♦ Sikul parukah crusade

Ni 11&12.9.2024 khân Bâktâwng leh Khûmtung khuaa sikul parukah crusade hmanpuiin Rev. H.L. Thianghlima, Director; Tv. Lalrinchhana, Counsellor leh Resource Person-te – Tual Upa K. Lalêngzâma, Upa Lalnunsiam Khâlthang leh Pu John Saipârliana-te an kal.

Râl Vêngtu

Rawngbâwltu eng emaw zât hi Râl Vêngtu hnênah an rawn lêng a, "Râl Vêngtu, tûnlai kohhran mipui khawsak dân hi a ngaihna pawh kan hre thiam lo. Isua leh a chhandamna chu an duh a; mahse, khawvêl thilin an rilru a luah khat tlat bawk si a. Eng nge maw a chhan ni ber dâwn le?" an ti a.

Râl Vêngtu chuan, "Sport lam chanchin ka'n hrilh lawk ang che u. Vawi khat chu intlânsiakna ropui tak hi a awm a. An intlânsiakna chu a thui hle mai a, a tâwp thleng apiang chu lâwmman tha tak pêk vek tûr a ni a. Tichuan, intlânsiak chu an tan ta a, tlân thlen ngei tumin an tlân hlawm a. An tlân thui deuh hnu chuan then-khat chuan, 'A hahthlâk êm mai!' an ti a, an tlân zêl peih ta lo va. Thenkhat chuan intlânsiak an nih an theihngihl a, an ding ta a. Thenkhat leh chuan an tlân thlenna tûr pawh an hre tawh lo va, an ding ta a.

"Mi tam tak chu an la tlân zêl a; mahse, an zînga thenkhat chu, 'A kawng a nuam lo êm mai,' tiin, intlânsiakna kawng aţangin an pêng ta a. Thenkhat chuan tlân zêl tûl an ti lo va, thing hlindah te, dâwrah te, lovah te an chawl a, tlân zêl pawh an tum tawh lo. Intlânsiaknaa telte tih loh tûr an ti a. A tâwp thlen tuma tlântê chu an tlêm sâwt hle a ni," a ti a.

Rawngbâwltute chuan, "Râl Vêngtu, intlânsiaknaa telte chu an va nikhua lo hlawm ve maw le!" an ti a.

Râl Vêngtu chuan, "Chûng intlânsiaknaa telte zîngah chuan tûnlai kohhran mite pawh hi in tel vek zu nia. Infuih thar reng te, hahthlâk mah se, tlân hrâm hrâm tûra infuih te, thil dik lo ti lo tûra infuih reng te hi a tûl a ni," a ti a.

Rawngbâwltute chuan, "A lo nih reng tak chu. Tan kan lâk a va tûl êm!" ti chungin an tîn ta dial a.

SYNOD HOSPITAL, DURTLÂNG THILPÊK DAWNTE (August 2024)

I. CHARITY FUND PETUTE		II. THISEN PETUTE		Unit zât
1. Pi Lalremi, Zêrabâwk North	₹4,000	1. Sihphîr Higher Secondary School		24
2. Pu Zodinliana, Mission Vêng	₹2,000	2. AYF, Seventh Day Adventist Aizâwl West Circle		57
3. Dr Lalmalsâwma Nghâka D-3 Business Enterprise	₹5,000	3. KTP, Thakthîng Vêng Branch		28
4. Baby H. Lalnunsangi d/o H. Lalhmachhuana, Chawlhmun	₹2,000	4. KTP, Mission Vêngthlang Branch		63
5. Pi Lalremi, Zêrabâwk North	₹4,000	5. KTP, Leitan East Branch		31
6. Pu C. Lalhmachhuana Zêrabâwk Zokhawsâng Vêng	₹10,000	Belh khâwm		203
7. Hming thup	₹500	III. THIL DANG PETUTE		
8. KTP, Vêngnhuui Pastor Bial	₹10,000	1. Pu V. Rothangpuia te chhûng, Republic Vêngthlang – Occupational Therapy tân		₹10,000/-
9. KTP, Sialsûk Pastor Bial	₹10,000	2. Khawpuar KPP – Hmunphiah tam tak.		
10. KTP, Muallungthu Pastor Bial	₹10,000	3. Chhînga Vêngthlang Kohhran Hmeichhia – Cleaner-te uniform lei nân		₹20,000/-
11. Leitan South Kohhran Pavalai Pâwl	₹20,000	4. Aibâwk Pastor Bial Kohhran Hmeichhia – Mitthi khuhna tûr puan 30.		
12. Chawnpuui Pastor Bial Kohhran Hmeichhia	₹75,000	LAWM THU SAWINA: Hospital tâna thilpêk chi hrang hrang petute chungah Pathian hmingin lâwm thu kan sawi a. Alêt tam takin Pathian malsâwmna lo dawng zêl ang che u. Thil pe duh tân Director (94361 54365) leh Nursing Superin-tendent (94361 52751)-te hnênah eng tik lai pawhin inhriattîr theih a ni e.		
13. Hunthar Pastor Bial Kohhran Hmeichhia	₹20,000			
14. Sialsûk Pastor Bial Kohhran Hmeichhia	₹9,000			
15. Sairâng Kohhran	₹30,000			
16. Bâktâwng Pastor Bial	₹20,000			
17. Bâwngkâwn Bethel Pastor Bial	₹52,230			
Belh khâwm	₹2,72,730			

Rev. R. Lalvulluaia
Chaplain Sr, Synod Hospital, Durtlâng

SOCIAL FRONT

- ♦ **E. Lungdârah campaign**
Ni 17&18.8.2024 khân E. Lungdâr Joint Kohhran Committee chuan Social Reforms Campaign a huaihawt a. Hetah hian campaigner-te: Rev. Lalrinmawia, Rev. Dr Lâwmsânga leh Upa Dr Lalrintluanga-te an kal.
- ♦ **Sairâng Kohhranah campaign**
Ni 8.9.2024 zân khân Sairâng Kohhranah 'Ramngaw, nungcha leh tuihna humhalh' Awareness Campaign hmanpuuin Dr Lalbiakmawia Ngênte a kal.

SUM VAWN DAN INZIRTIR

Ni 16.8.2024 khân Khawzâwl Vênglai Bialah Synod Sum Vawn Dan training pein Upa Lalrosânga Kâwlni leh Tual Upa R. Lalbiakdika-te an kal.

ZAI HRUAI TRAINING

Ni 13.8.2024 khân Khawkâwn Kohhranah Zai Hruai Training pein Tv. H. Lalhazuala, Music Instructor leh Tv. Lalremruata, Keyboardist-te an kal.

SYNOD MISSION BOARD

- ♦ **Field Committee**
August ni 19–29, 2024 chhûng khân Guwahati, Dibrugarh, Kharsang leh Pasigath-ahte Field Committee hmanpuuin Rev. R. Lalhmingsânga, Board Secretary leh BEC Member-te: Rev. Dr C. Lalramchhana, Upa Dr R. Malsâwma leh Upa Lalramliana-te an kal.
- ♦ **Ramthar Campaign**
Ni 7&8.9.2024 khân Tualchêng Kohhranah Ramthar Campaign hmanpuuin Rev. R. Lalhmingsânga, Board Secretary leh Rev. K.C. Vânlalduha, Electric Vêngte an kal.

SYNOD RESOURCE CENTRE

Ni 10.9.2024 chawhnu dâr 2 khân J.M. Lloyd Hall, Synod Office-ah Zirlai Viltu Committee chuan Synod Resource Centre Briefing & Orientation hun a hmang a; Rev. K. Lalrinmawia, ZVC member-in a kaihruai.



BIAK IN HAWN SAWMNA

Saihapui V Kohhran (Phainuam Pastor Bial) chuan ni 10.11.2023 khian biak in thar hawn an tum a. An bialtu Pastor lo ni tawhte, he kohhrana lo lawi thîn tawhte leh anmahni duh-saktute tel vek tûrin an sâwm a ni.

TRAINING BUATSIAH

FG&CC chuan ni 19–26.8.2024 khân Pastoral Care & Counselling Training wavi 39-na a buatsaih a. Bial 8 – Airfield Vêngthar Bial, Dâwpui Bial, Ramthar Vêng Bial, ITI Vêng Bial, Ramhlun Vêngthar Bial, Zuangtui Bial, Tanhrii Bial leh Bethlehem Vênglai Bial aţangin kohhran aiawh mi 27 an tel.

A hawwna inkhâwmah Rev. C. Zoramawia, Sr ES-in thuchah a sawi a. A khârna inkhâwmah Rev. R. Vânlalngâka, Synod Moderator-in certificate semin thuchah a sawi.

PRISON MINISTRY

♦ District Jail, Lungleiah

Ni 18.8.2024 khân District Jail, Lungleiah hun hman a ni a. Lunglei Chanmari leh Lunglei Vênglai Bialah Awareness Campaign hman a ni bawk.

♦ Jail-a dah tûr pe

Ni 18.8.2024 khân Kolasib Diakkâwn Kohhranin jail-a dah tûr lehkhabu 355 an pêk chu SPM Sub-Committee, Kolasib hruaituten District Jail, Kolasib-ah an hlân. Pi Mimi Lalthansângin a lehkhabu ziah, 'Vut aiah pangpâr thi' tih a pêk pawh jail hrang hrangah dah a ni bawk.

♦ Jail-ah Synod Zai-pawl an zai

Ni 1.9.2024 khân Mizoram chhûnga tân in hrang hrangah hun hman a ni a. Hemi ni hian a wavi khat nân Central Jail-ah Mizoram Synod Choir an zai.

♦ Jail-ah leh Chite Vêngah

Ni 8.9.2024 khân District Jail, Aizâwl leh Khawngaihna In, Chite Vêng tlawh a ni.

LAY LEADERS TRAINING

August ni 19–23, 2024 chhûng khân Synod Multipurpose Training Centre (SMTC) chuan Lay Leaders Training wavi 227-na a buatsaih a. Tûn tumah hian Presbytery pariat – Khawthlang, Sakawrhmutuai, Teirei, Tuirini, Tuichângrâl North, Tuichângrâl South, Tuipuirâl leh Aizâwl Hmâr-chhak Presbytery aţangin Kohhran Upa 36 an tel.

Ni 19.8.2024 zân khân training hi hawn a ni a. Rev. H. Lalmuanchhana, SMTC Director-in kaihruaiin Upa B. Lalhmunliana, SMTC Managing Committee Member-in training hi hawngin thuchah a sawi.

Ni 23.8.2024 zân khân training hi khâr a ni a. Khârna inkhâwm hi Rev. H. Lalmuanchhana, SMTC Director-in a kaihruai a; Rev. Dr K. Lallâwm-zuala, Executive Secretary-in trainee-te hnênah certificate semin thuchah a sawi bawk.

KRISTIAN THALAI PAWL

♦ Ruihhlo do awareness campaign

Ni 15.8.2024 khân Central KTP buatsaihin Ruihhlo Do Awareness Campaign (Aizâwl District) chu Electric Vêng Kohhran Hall-ah buatsaih a ni a, Branch aiawh mi 242 an tel. Campaign hi hun hniha then a ni a: chawhma lam hi Pu F. Lalremruata, Chairman, Ruihhlo Do Sub-Committee-in a kaihruai a; Dr Robert S. Halliday, Châltlângin hun a hmang a; chawhnu lam chu Pu C. Lalkhawngaiha, Asst. Secretary, CKTP-in a kaihruai a; Pi V. Vânlalruati, Vêng-hnuaiin hun a hmang thung. Campaign hi District dangah pawh buatsaih tûra ruahman a ni.

♦ Dârlâwn Branch hmanpui

Ni 19.8.2024 zân khân Dârlâwn Branch Evangelical Night hmanpuiin Pu C. Lalkhawngaiha, Asst. Secretary leh Pu Lalrambuatsaiha, Committee Member-te an kal.

MIZORAM CHRISTIAN COLLEGE

♦ Assembly session chhim

August ni 20&21 khân MCC BCom 1st Semester zirlai leh Public Administration 1st Semester zirlaite chuan 9th Mizoram Legislative Assembly Session chu a hmunah an chhim.

♦ Club Day hmang

Ni 23.8.2024 khân Club Day an hmang a. Club hrang hrang – Cultural Club, Adventure Club, Art & Music Club, Literature Club leh Agripreneur Club-ten anmahni club theuh thiltum tihlawhtling tûrin activity hrang hrang an huaihawt.

♦ Beat Contest-ah 2-na

Ni 4.9.2024 khân Govt. Hrângbana College-ah Mizoram English Literature Society (MIELS) buatsaih Lit Fest 2024-ah Arts & Music Club leh English Department aţanga tel, MCC Band chu Beat Contest-ah 2-na an ni.

♦ Thisen pe

Ni 6.9.2024 khân MCC-a NSS Unit chuan Blood Donation Camp a buatsaih a, Civil Hospital Blood Bank tân thisen unit 126 an pe. Thisen petute hi mipa 91 leh hmeichhia 35 an ni.

♦ MISTIC tlawh

Ni 10.9.2024 khân Management Department 5th Semester zirlaite chuan Off Campus Class-cum-Peractio Couse-ah MISTIC, Directorate of Science and Technology an tlawh.

♦ SRC programme-ah tel

Ni 10.9.2024 khân sâwm an nih angin Synod Resource Centre (SRC) Briefing and Orientation Programme-ah MCC zirlai 12 leh zirtîrtu 2 an tel.

PASTOR QUARTERS EN

Pu Lalramênga Royte, J.E. chu ni 19.8.2024 khân Muallungthu leh Sateek Pastor Quarters repair leh lung rem tûr en felin a kal a; ni 10.9.2024 khân Saipûm Pastor Quarters sak mêk leh Retaining Wall en felin a kal bawk.